

gest/ das ist/ Gott der Vater/ oder Gott der
Son/ Sondern must sagen/ das ist Gott der
Heilige geist.

Also ist da die Stimme / so da spricht/
Dis ist mein lieber Son zc. Eine Creatur/ die
nicht allein der Vater geschaffen hat / Sondern
auch der Son vnd Heiliger geist / wie
gesagt/ opera trinitatis/ das aussere der Gott-
heit / alle Creaturen zu gleich sind/ von allen
dreyen Personen/ als von einem Einigen Got-
te geschaffen / vnd gegen der Creatur / alle
drey Personen ein Einiger Gott ist. Vnd wie-
derumb die Creatur gegen die drey Personen/
einerley vnd nicht dreierley Werck sind/ Noth
heisst vnd ist die selbige Stimme / allein des
Vaters/ Vnd kanst/ als ein Christ / hie von
der stimme nicht sagen/ Das ist Gott der Hei-
lige geist/ oder das ist Gott der Son / Sondern
must sagen / das ist Gott der Vater/ ob-
wol / Gott der Heilige geist / vnd Gott der
Son / vnd Gott der Vater ein Einiger Gott
ist / Das du gantz recht sagest von der stim-
me / das ist Gott / vnd ist kein ander Gott
mehr/ Doch vnrecht sagest/ das ist Gott der
Son/ oder Gott der Heilige geist/ Sondern
must sagen/ Das ist Gott der Vater.

Gleich dem ist zu reden/ von der Mensch-
heit Christi / die ist an sich selbs / eine rechte
Creatur